

Alkitab Anggen Anak Alit

Pianak Muani
Ane paling
sayang Dadi
Parekan



Kasurat olih: Edward Hughes

Kaperagayang olih: Byron Unger; Lazarus
Alastair Paterson

Ka tempa saking: M. Kerr; Sarah S.

Ka dwi aksarayang olih: Ni Luh Mastri Ayu Caerina;
Pdt I Gusti Made Alit Purya

Kakaryanin olih: Bible for Children
www.M1914.org

©2023 Bible for Children, Inc.

Perarem: Ida dane dados nerjemahang utawi nyalin carita puniki,
nanging nenten dados ke adol.




Dane Ishak merase liang pesan. Pianak danene Yakub ane muani sube mulih. Dane Esau belin dane Yakub ane taen ngelah keneh lakar kematiang adine masi milu magpagin nyambut ia. Sakewale pianak-pianak dane Yakub tusing merasa liang uli krane dane Yusuf, adin ipune ane paling cerike, uli krana bapan ipune nadiang ia anak emas.




Belin-belin dane Yusuf nyangetan pedihne rikale dane Yusuf nyatuang ipi-ipiane. “Peselan gandum tiange jeg laut bangun majujuk lan pesel-peselan gandum beline ajak makejang nengkluk nyumbah peselan tiange ento.” Baos dane Yusuf. Artin ipiane ento

nyeriteyang unduk dane Yusuf ane lakar dadi anak ane penting pesan ngelangkungin belin-beline.



Ade masi ipian dane Yusuf ane lenan, asane matan aine, bulan muah bintange pada nyumbah tiang. Sesubane dane Yusuf nyatuang ipiane ento, dane Yakub, bapan ipune masih merasa gedeg pesan tekenin dane Yusuf ulikrane Yusuf suba ngenistayang bapane muah belin-belin danene.



Sedekan dina anu dane Yakub ngutus dane Yusuf ke tongos beli-beline ngangonan kambing-kambingne. Makejang beli-beline ningalin ia teka. “Jalan iraga ngematiang ia tukang ngipine ento.” Keto beli-beline ngomong sambilange kisi-kisi. Dane Yusuf tusing nawang teken baya ane lakar arepine.



Dane Ruben, beline ane paling kelihe tusing setuju. “Iraga tusing dadi ngematiang jelema” baos danene. “Ditu ade semer, jalan jani entungan ia ka semere, depang ia mati ditu!” Dane Ruben ngerencayang lakar nulungin Yusuf, yen matan aine suba iyeb.



Sesubane dane
Yusuf neked,
belin-beline lantas
ngelesin baju ane
anggone teken Yusuf,
baju ane melah pesan,
ane baange teken
bapane. Dane Yusuf
lantas ka cemplungan
di semere.




Rikala dane Ruben tusing ada ditu,
rombongan sodagar lewat tusing joh uli
tongose ento, negakin onta sedeng nuju
ka Mesir. “Jalan adep dogen Yusuf”
baos dane Yehuda, beline.



Ipun sepakat ngadep
Yusuf, aji duang dasa
bidang pipis perak.



Rikala dane Ruben tusing ada ditu, rombongan sodagar lewat tusing joh uli tongose ento, negakin onta sedeng nuju ka Mesir. “Jalan adep dogen Yusuf” baos dane Yehuda, beline. Ipun sepakat ngadep Yusuf, aji duang dasa bidang pipis perak.





“Apeke nenenan bajune Yusuf? Bek misi getih. Tiang nepukin bajune ento di padang pasir.” Beli-beline ane jaat nuturang dane Yusuf sube mati kesagrep baburon ane galak. Dane Yakub lantasi nguek-nguek bajune, ipun sedih pesan uli krane pianak kasayangane sube mati. Tusing ada anak ane nyidang ngibur ipun.





Di Mesir, dane Yusuf
sinah sube merasa jekeh
lan kesepian. Mirib
dane dot masi mulih
kaumahne. Sakewala
dane Yusuf tusing nyak
melaib. Ditu dane dadi
budak di purin dane
Potifar, pemucuk di
Mesir. Dane Potifar
ningalin Yusuf dadi anak
ane demen megae tur
anak jujur.



Sedek dina anu dane Potifar mabaos kene teken Yusuf. “Makejang pagaen ceninge setata hasilne melah. Ida Sang Hyang Widi Matiningin cening. Tiang lakar ngemang cening tugas dadi pemucuk parekan tiange, tanggung jawab buat makejang gagaene lan pemucuk parekan-parekan ane lenan.”



Ida Sang Hyang Widi Wasa
ngicen dane Potifar hasil panen
ane bagus, tur ngamertanin ipun
uli krana Yusuf. Ane jani Yusuf
sube dadi anak ane penting. Ia
tetep percaya tur setia ngayah
ring ayun Ida Sang Hyang Widi.
Sakewala Yusuf tetep ketiben
kabrebehan.




Rabin dane Potifar sujatine anak istri ane jaat. Ia ngajakin Yusuf memitra. Dane Yusuf tusing nyak ngisinin kenehne. Uli krana dane Yusuf takut medosa lan ngajiang dane Potifar. Rikala anak istri ento mamaksa ipun, ditu lantasa Yusuf melaib. Sakewala anak istri ento ngedeng bajun dane Yusuf apange ia tusing magedi.



“Parekan sang Prabu nyerang tiang!” Pesadun rabin dane Potifar.
“Tingalin je, ne bajune!” Dane Potifar gedeg sajan basangne. Mirib
je dane Potifar nawang rabin danene mobog. Sakewala ipun patut
ngae keputusan. Apeke mirib ane lakar
kelaksanayang?



Dane Potifar nyelempang Yusuf ka pangkenge.



Yadiastu Yusuf tusing ngelah pelih,
Yusuf tusing kecewa lan pedih.

Mirib Yusuf lakar melajah uli kesulitan
ane sedeng kaalamin, tur percaya

ring Ida Sang Hyang Widi pasti Ida lakar
nyarengin, yening Yusuf tetep trenna
bakti ring Ida Sang Hyang Widi, yadiatu
ada di tengah pangkenge.



Pianak Muani Ane paling sayang Dadi Parekan

Wenten katuturan carita saking pengandika Ida sang Hyang
widi mewasta Alkitab,

dados sobyahang ring

Purwakaning Dadi 37, Purwakaning Dadi 39

“Pemargin saking pengandika Ida Ngicenin Karahayuan.”

Mazmur 119:130



Puput



Carita ring Alkitab puniki nyaritayang indik Ida Hyang Widhi mahotama sane ngripta iragane tur sane mapikayun iraga nguningin Ida.

Ida Hyang Whidi uning iraga sampun melaksana sane iwang, sane kaucap antuk papa. Papongoran antuk jadmā sane melaksana papa inggih punika lepas utawi padem, sakewanten Ida Hyang Whidi dahat sutresna. Ida raris ngutus okan Idane sane meraga tunggal, sane mapesengan Ida Hyang Yesus Kristus, mangda Ida lepas ring taru Salib tur kapongor sangkaning kaiwangan iragane. Ida Hyang Yesus urip malih tur mantuk ka Suarga loka! Yening ragane pracaya indik Ida Hyang Yesus tur mapinunas mangda Ida ngicenin pangampura antuk keiwangan-kaiwangan iragane, Ida jagi nglaksanayang! Ida jagi rauh tur meneng ring sejeroning pareragan ragane sane mangkin, tur ragane jagi nyeneng sareng Ida ngantos riwekasan.

Yening ragane pracaya indik kepatutan punika, nikaang puniki ring Ida Hyang Widhi: Ida Hyang Yesus, tityang pracaya pareragan Idane sawiakti Ida Hyang Parama Kawi, nanging Ida nyeneng dados manusa sane lepas santukan nebasin kaiwangan iragane, tur sane mangkin Ida pacang urip malih. Dumogi Ida rauh ring kauripan iragane lan ngicen pangampura antuk keiwangan iraga makesami, sane ngawinang irage madue keuripan sane anyar tur buin pidan irage pacang meraga siki sareng Ida. Wantu tityang satinut sareng titah Idane tur idup daos pianak Ida, Amin.

Ngiring ngewacen Alkitab tur mapitatur sareng Ida Hyang Widhi ngerahina! Yohanes 3:16

